

禪宗金書

藍吉富

主編


語錄部 (四)

禪宗全書

語錄部四五

藍吉富 主編

文殊文化有限公司 印行



禪宗全書

語錄部(四五)

主編：藍吉富

發行人：洪啓嵩

出版者：文殊文化有限公司

總經銷：彌勒出版社

台北縣新店市自由街22號3F

(02) 9154056

印製者：國美照相製版社

定價：全套 八八〇〇元整

※版權所有，請勿翻印※

行政院新聞局版台業字第三六四三號

中華民國七十九年三月初版

禪宗全書(全套一〇〇冊)

PDF

目次

來果禪師語錄	一
法相	三
像讚	四
虛雲老和尚與來果禪師合影	五
序	七
原書目錄	一三
卷一：解謗扶宗淺說	一九
卷二：參禪普說	一一一
卷三：十界因果淺錄	一二三〇
卷四：法語	三四五
卷五：千字偈	四九四
卷六：大悲緣起	五五七
卷七：自行錄	五六九

來果禪師語錄

來果
達本
編撰

來果禪師法相



來果禪師像讚

一二三

慈悲面目

菩薩心腸

擊大法鼓

豎大法幢

紹佛祖業

宗旨向上

輝天鑑地

獨蹈大方

惟深惟遠

惟德惟馨

乃智乃仁

乃壽乃康

現優曇瑞

騰覺海光

我今讚仰

一瓣心香

後學蓮開敬撰

寬石居士余

謙敬書



影谷師禪果來與尚和老雲虛



來果禪師語錄序

竊聞妙高山頂。從來不許商量。第二峯頭。諸祖略容會話。綜大藏七千餘卷。所談何止萬法。而言般若者。卽有七百餘卷之多。良以眞源素範。諸佛從生。所謂惟此一事實。餘二卽非眞。十方薄伽梵。一路涅槃門。大事因緣。出現在此。此一路事。離四句。絕百非。非禪莫由入手。非禪莫由實證。此之謂禪。非色無色界禪定之禪。非二乘沉空之禪。非大乘止觀之禪。乃所謂大乘根本最上大法也。聖教浩瀚如淵海。如來禪遍於契經。證入之法亦夥。要在各適其機。仍非禪宗之所謂禪。故古德有言。如來禪容你會。祖師禪尙未夢見在。所謂祖師禪者何。雖曰教外別傳。特爲黃面老子之所流布。拈花公案。語在般若大梵王問決經。自是祖師應世。西天四七。東土二三。蟬帶聯輝。龍象輩出。乃有宗門之稱。宗者何。總持之謂也。到此語言道斷。心行處滅。爲一總持。涅槃不二。不知其名。強名曰宗。有唐以來。多上根利器。夙因早植。故一言半句。卽所作成辦。但中下根人。能發起信念。卽培無量善根。功德亦復相等。個中要妙。擎拳合掌。不待言詮。古德所謂但貴子眼正。不貴子行履是也。自後醇風日往。根性日下。多生積垢。應假修持以滌濯。不可僮侗眞如。顛預佛性。庶免業識茫茫。無本可據。曹溪以後。宗門大德教示學人。漸重行履。非行無以踐言。非行無以驗其眼之正與否。北宋後。乃拈上大人公案一言半句以爲話頭。令人苦參。話頭之風。自是以興。此時

關鍵乃在參禪。參究之要。重在疑情成團。又非狐疑之疑。乃大信後自有之境界。話頭雖多。本無優劣。應機對症。不無簡擇。故於明萬曆後。天下叢林均誦念佛是誰爲唯一話頭。陶鑄龍象。不可縷計。然宗門正脈。祇有參禪一法。別無二路。有之。則非宗下所謂祖師禪也。其有觀照止觀。看話頭諸法。乃教觀中事。與宗門大法無涉。如南嶽之言。觀是何人。心是何物。一語道盡無餘。參禪大法。後世或且尙有嫌其遲者。又或嫌其苦者。是皆目睫之言。不知個中甘苦。離心意識。空身心世。獨蹈大方。坐斷兩頭。始得個入門。向上一路。更須自看。不然。盡是鬼家活計。此中焉能夾用秋毫教觀乎。或以爲話頭云者。看話之前頭。又或在話頭話尾處看。烏焉成馬。皆非宗門正途。况照看中間。乃觀照用功。卽成無念。亦可謂禪。要亦如來聖教。了生脫死之大法。但非參禪。亦非禪宗。蓋觀照之功。重在無念。參禪之功。念不能歇。卽重在疑情是也。金鷄含粟。馬祖應興。爲便天下學人行持。垂萬古鴻謨。創建叢林。百丈因立清規。是以震旦叢林之制。原出宗下。其規矩皆宗門祖法。與西竺戒制。略有出入。因地制宜。因時制宜。宗門別出者。良有以也。叢林何事。事在坐香。卽參禪也。夫禪雖不在坐。亦不在不坐。老古錘錘下死去活來。始知象王行處。一踏到底。故天下叢林一枝香。上關諸佛法身。下關衆生慧命。智者自明。不待辭費。顧以叔季祖燈秋晚。叢林規矩不立。宗門大法日廢。玃玃亂玉。難已於言。其有諸方尊宿。因緣各別。或於人影不到處。

把茆蓋頭。或復十字街頭。卽俗修真。遯世者日夥。爲人者漸渺。又或偶出領衆。爲時甚替。叢林機宜方諳。人事不久又更。說法旣無記錄。卽記亦多斷爛朝報。他人代筆。有時失真。或爲拈古頌古之法語。或爲泛泛因襲之陳言。由於傳誤者之魯魚亥豕。似又美中不足。其有道高德劭。主持叢林道場。一住數十年。領導萬衆。廣接方來者。碩果晨星。幾不多觀。吾師高旻堂上來果老和尚。幼而徇齊。長具超方之眼。眉毛拖地。苦撐大願之舟。參禪行脚十餘年。輔導金山數年。主持高旻三十餘年。居恆破衲粗糲。克己厚人。火種刀耕。含辛茹苦。筆路縑縷。以啓山林。復以事必躬親。不容翫忽。由是所至皆理。其於坐香規約。因時因地。稍爲損益。至今國內各大叢林。均以爲法。一生爲道忘身。老而彌篤。其色郁郁。其德嶷嶷。彌中彪外。軋軋然天機自動。精義流行。顧以素厭聲華。不事造述。惟因鼓鐘於宮。聲聞於外。德厚流光。終不可掩。十方緇素。請益日衆。無已。迺於無言說中。拈示一二。唐哉皇哉。奘乎有文。旣能由淺入深。引人趣向。復能抽絲剝筍。愈引愈深。宗門之大經大法。功行之決擇方便。當陽拋出。無欠無餘。書凡八種。家談尙缺。夫以佛法多門。歸元無二。心外求法。落二落三。不啻各宗不可互謗。等觀心地。恰好相得益彰。駁正目論。庶幾無諍。更陳百條。詳說參禪之方法。功行之層次。見地之考驗。及功夫深淺諸要義。著解謗扶宗淺說第一。宗門造述。汗牛充棟。深者或過深。淺者或甚簡。究竟禪之爲禪。其義何居。參禪之道云何。用

功之法如何。如何方能得力。如何爲正途。如何爲歧路。林林總總。不可囫圇吞棗。稍一籠侖。天地懸殊。萬里無雲。青天喫棒。繼解謗扶宗百條。更加發揮詳盡。宗門樞要。盡在於斯。著參禪普說第二。未悟之人。不離因果。大悟後人。不昧因果。一心根本。攝十法界。十界因果。不出一心。儼涉擬議。販賣三寶。不誠無物。何爲道人。一念機心。無邊業種。矧以理雖頓悟。事則漸修。聖凡關頭。切須著眼。故以十界因果。攝全藏菁華。內行上乘之頓法。以悟唯心。外秉聖教之規箴。用浸身習。言之似淺。義實淵深。惟高明者能道中庸。拯物導迷。淺云乎哉。著十界因果淺錄第三。平常心是道。馬祖一喊。三日耳聾。佛法雖在世間。但當躬行實踐。諸惡莫作。衆善奉行。敦倫盡分。閑邪存誠。世出世聖人。一道平實。無非布帛菽粟之言。但實天經地義之理。鳥窠云。三歲小兒。皆盡知。八十老翁。做不到。尋常行履處。乃見真面目。大悟過來。見山還是山。見水還是水。世間極成真實。瑜伽載於明文。蓮池琴偈云。道人鼓琴不會按。平淡平淡復平淡。又論辯融有言。此老可敬處。正在此耳。平實無奇。人人可學。擬著家談百則第四。龍天推出。毒鼓頻搗。大用現前。機鋒流布。四十餘年來。法幢高豎。印證天下龍象。響如振玉。窮極幼眇。以是般若堂前。齊超聖域。無縫塢下。棒喝如雷。門人記語錄第五。圓人說法。無法不圓。信手拈來。都同拈花一諦。臨濟在黃蘗會下。問如何是西來大意。三問三痛棒。後到大庾。問黃蘗老婆心切語。卽默有所契。克勤佛果。問五祖法眼。

舉小艷詩。而當下實悟。從上老凍膿類此者夥。文字雖非實相。載道亦可利生。事非勾章棘句。無不啓迪玄關。矧以河沙妙用。收攝一卷。寒山拾得。且唱且歌。一種平懷。三根普被。著千字偈第六。如來大事因緣。禪淨兩門。當機大教。彌陀淨土。果上莊嚴。功德巍巍。猗歟盛矣。惟諸佛垂迹。雖殊。要不外乎弘誓。是故釋迦闡教。願在娑婆。隨類現身。大悲何盡。良以明心之後。尤重發心。哀彼羣迷。多生父母。陪伴三界。發菩提心。著四十八願文第七。千七百則公案。善觀者。觀其行履。不善學者。迹其機鋒。要在以古人之行履用功。爲後來之熏習借鑑。功行無取巧。取巧卽偷心。老人一生行履。入死出生。千錘百練。故能脚跟點地。到處爲人。四十餘年來。國內外四衆。或前往或具函依止者。無萬數。德響實區。傳佛心印。法歟人歟。至心皈命。高旻兩序大衆及門人懇請三年。記自行錄第八。脫稿之期。倘有先後。總其大較。要言不繁。汪汪乎。宗門大義備矣。使讀之者。豐豐然而不厭。不疑老和尚舌頭。實曜昏衢之高炬。濟苦海之迅航也。先後由揚州高旻寺石印。隨卽散盡。後來多望。迺者老人黃髮番番。養痾滬上。鳳陽路侯在里。佛教崇德會諸君。再四懇請。領導坐香。開建靜七茅蓬。人天福田。選佛道場。老人夜夜說法。開導不倦。學人雲集。饒益日多。藉使上海佛門四衆。從此有緣受持宗門大法。關繫諸佛法身慧命。培福消業。莫此爲甚。功德勝善。福不唐捐。諸大心者。鳩資再版。彙印全集。書中文句。老人誦誦潤色。私以爲。宗門法語。類皆不

事雕琢不妨存舊。渾金璞玉愈見其真矣。不佞嘗竊一自高旻禮座。違教五秋。帶水拖泥。依然故我。鳩拙不遑。何能妄效豐干饒舌。惟以近自重慶來滬。欣逢盛舉。勉綴蕪詞。聊志緣起云爾。

佛元二千九百七十九年農曆壬辰八月。佛弟子達本拜譔。

來果禪師語錄

序 上前頁

解謗扶宗淺說目錄卷一

解謗扶宗淺說 上一前頁

宗謗教三 上一後頁

教謗宗二 上一三後頁

宗謗淨一 上一七後頁

宗謗淨四 上一十前頁

淨謗宗三 上一十一後頁

律謗宗其一 上一十三後頁

第二願住叢林 上一十六前頁

第五規矩難學 上一十七後頁

第八習氣難除 上一十九後頁

第十一請示用工 上一二十後頁

第十四不喜培福 上一二三後頁

宗謗教一 上一前頁

宗謗教四 上一二前頁

教謗宗三 上一四後頁

宗謗淨二 上一七後頁

淨謗宗一 上一十前頁

淨謗宗四 上一十一後頁

扶宗說 上一十四前頁

第三立決定行 上一十六後頁

第六身心不安 上一十八後頁

第九跏趺難坐 上一十九後頁

第十二厭住叢林 上一二二前頁

第十五不真修慧 上一二三前頁

宗謗教二 上一後頁

教謗宗一 上一二後頁

教謗宗四 上一六後頁

宗謗淨三 上一九前頁

淨謗宗二 上一十後頁

宗謗律其一 上一十二後頁

第一發心學道 上一十五後頁

第四棒喝難挨 上一十七前頁

第七委屈難受 上一十八後頁

第十六根難收 上一二十前頁

第十三樂處深山 上一二二後頁

第十六不願常住 上一二三後頁